

22  
anders zu avisiren / als daß jüngst verschieenen Son-  
tag das vierzig Stündig Gebet allda in dem newen  
Capuciner Kloster am newen Marck / gar mit grosser  
Solemnitet vnd Devotion sich angefangen / deme  
beyde Käyserliche sampt der zu Ungarn Königliche  
May. b. ygewonet / vnd auch das Frühmal allda bey  
den frommen Geistlichen Herrn Capucinern einge-  
nommen / darauff am Montag Früh seynd beyde al-  
lerhöchst ernendte Käys. May. sampt vero Käyserl.  
Zungen Herrschafft vnd meisten Hoffstat / nach vn-  
ser lieben Frawen Hieking genandt / so ohngefahr ein  
Meilwegs von hinnen ligt / zu Fuß hinauß Wallfar-  
ten gangen / vnd allda gar stattlichen Gottesdienst  
halten lassen / am Abend aber widerumb zu Gutschen  
herein kommen.

Am verschieenen Mitwochen seynd Ihr Hoch F.  
Gn. Cardinal vnd Fürst von Dietrichstein wieder-  
umb von hier abgereist / die werden aber / wie verlaut /  
innerhalb 8. Tagen wider anhero kommen.

Am 5. Aprilis ist ein Bechlemischer Curier all-  
hier ankommen / von dessen Anbringen ist nichts ey-  
gentliches zu vernemen. Vom Türcken gehet das  
Geschrey / als ob er bey der Christlichen Bestung Pa-  
trina / auff den Käyserlichen Boden / ein Bestung für  
sich zu barren willens seye / solches aber zu verhindern  
wirdt jetztbemeldte Bestung Petrina mit allerhandt  
Nothdurfften / als von Proviand / Munition / vnd  
grossen Stücken / gar wol versehen. Die